

XXXX.C.2

Toran 1218

CATALOGVS LECTIONVM ET OPERARVM

BONO CVM DEO
IN GYMNASIO
THORVNENSI
PERTRACTANDARVM
AVCTORITATE NOBILISS. ET AMPLISS.
SCHOLARCHARVM
CIRCA TEMPVS PASCHALE
PVBLICATVM
ANNO ~~1718~~ 1718



THORVNII

Impressit Ioh. Nicolai, NOBIL. SENAT. & GYMNASII Typograph

1214

1718

Scholy 2598

PETRVS IAENICHIUS, *Gymnasii Rect. & P. P.* In Explicandis B. DIETERICI CATECHETICIS PRAECEPTIS pervenit fere ad finem, ne itaque abruptatur filum, curabit omnino, ut brevi expediat, quae restant. E re autem discipulorum iudicavit fore, uti eodem ordine & ratione, qua coepit, instituat repetitionem, atque A PRINCIPIO HANC RELIGIONIS CHRISTIANAE SUMMAM, ad scripturae S. normam undiquaque accommodatam inculcet REPETITAM, eademque dexteritate continuare bono cum DEO pergat. Ita confirmari non magis in doctrinae salutaris scientia poterunt iuvenum animi, quam vitae, cuius potissimum est ratio habenda, quotidie emendandae reperient fundamenta, facessente omni de insidiosa novitate querela aut de immutatae pietatis & morum formae suspicione.

In HISTORIAE ECCLESIASTICAE STUDIO ordo nos perduxit ad Seculum ante aliquot annos elapsum, cuius seriem eadem dexteritate exponet, ac fata, quae coetui diviniore evenerunt, persequetur, ut vel inde quae & qualis fuerit ac sit Dei in Ecclesia gubernatio, accuratius omnibus ac quidem praesertim Supremae Classis Auditoribus constet.

Quod *coniunctis* commode *classibus*, Suprema scil. & Prima fieri non potest, ita una hora per hebdomadam, solos exercebit primanos in *Disctis Biblicis* ediscendis, collato *textu authentico*, ut nervum probandi in propositis thesibus theologicis videant rectius atque in observandis textus *emphasibus* fiant acutiores. Neque minus *Styli profectus* in iisdem explorabit, atque *extemporali* argumento, uti iam magno cum commodum coepit eorum ingenia exacuere aut confirmare studebit.

Privatim non recedet ab illa fide, qua nonnullis boni ingenii iuvenibus probatae elocutionis & ornatae fontes aperire conatus est, ut *aptum idoneumque Orationis genus* acquirant. Propediem quoque ad CL. HVBNERI *ductum* ac praeepta comparandae eloquentiae exempla proponere pluricepta

bus pollicetur. Coniunctum cum his tradendae *Historiae* laborem, utilem iuxta ac iucundum non deferet prius, quam absolverit omnia, quae ad normam illustris *Pufendorffii in Introductione ad historiam afferenda* censebuntur. Ceterum, si permiserit tempus, fundamentis *Theologiae moralis* tradendis aliquot horas non tantum prompta quam hilari mente impendere Auditoribus pollicetur. Protegat nos & nostram civitatem Deus sua gratia, ut omnes temporum iniurias & impendentem fati vim feliciter & aequo animo superemus.

GEORG. PETRVS SCHVLTZ. D. & P. P. O. praeterito anno *Supremae Classi* COGNITIONEM CORPORIS HUMANI MEDICO-PHYSICO-HISTORICAM publice inculcare incepit, usus hac methodo, ut I) Structuram & Fabricam naturalem eiusque usum docuerit, II) varia notatu digna ex Medicorum, Physicorum & Historicorum Scriptis collecta cum Auditoribus communicaverit, ne pura puta Medica tractatio tedium crearet; Sic, e. g. cum OCULOS & AURES medice & physiologice consideraverat, discursu suo illustrata sunt Singularia sqq. *Vnoculi & Argus: Splendores oculorum admirandi: Oculi artificiales: Lux ex oculis erumpens: Oculi profani: Oculos liniendi mos & effodiendi, nec non claudendi moribundis: Significatio hieroglyphica: Oculus solis: Lachryma sanguinea & Lapidescens: Lachryma Sagarum & Crocodili: Fletus Heracleti: Lachrymatoria veterum: Animalcula in Albo oculi: Vermiculi ex angulis oculorum proserpentes: Caeci sapientia & eruditione clari: Caeci de colore iudicantes: Caeci per nasum videntes & omnia cognoscentes &c. Porro: Ritus perforandi aures & abscindendi: Ritus aures trahendi & vellicandi testibus: Inaures, & Fenestra aurium: Χύτρα: Cornua ex auribus & circa aures: monstrae aures & pro arbitrio mobiles: Varia ex auribus germinantia: Surdus loquens, &c. Et has Lectiones ad finem usque continuabit, quo imposito THESES PHYSICAS, Anno 1716. quas in usum studiosae iuventutis Thorunensis in lucem emisit, & privatim haecenus explicuit, posthac *Supremanis* publice illustrabit paullo uberius. Idem *Supremani loco JURIS NAT. ET GENT.* cuius expositio ad finem properat, imposterum*

tum POLONIÆ ET PRUSSIÆ JUS PUBLICUM UNA CUM HISTORIA ET GEOGRAPHIA audire poterunt. *Coniunctis Classibus*, ut loquimur in SCHRADERI TAB. CHRONOLOGICO-HISTORICIS perget, ab Imperatore Cunrado Salico ad successores progressurus: nec non in *Primæ Classe* seorsim M. T. CICERONIS EPISTOLAS AD FAMILIARES per Versionem, epistolas & chri-
as maxime commendatas relinquet. Quod ad *Privatas* ad-
tinet *Lectiones*, minime fugit auditores omnes ac singulos,
quas disciplinas & Scientias audiverint non sine incremento
illi, suæ fidei qui se tradiderunt, nec unquam deerit discen-
di studio flagrantibus. Feliciter !

REINHOLDVS FRID. BORNMAN, P. P. O. *Hermeneuti-*
cam anno superiori Prælectionibus in AUDITORIO SUPREMO
publicis adsignavit & iactis *Logicæ* fundamentis superstruere
sustinuit, quando naturam sermonis & indolem investigare
cœpit; qua occasione in Latini Sermonis indolem speciatim
inquirere, Auditorum ex re esse putavit, unde summa & præ-
cipua momenta, quæ cultura illius complectitur, fuit persecu-
tus & in Compendio *Historiam Latinæ Lingvæ Criticam* tradi-
dit, cui Theses ad disputandum ordinatim applicavit. His
ferme confectis & absolutis *Criticam* continuare constituit,
quam aliquantum differre coactus fuit, ac sua non minus,
quam Auditorum interesse judicavit, sententiam illam proba-
bilem de *Pluralitate Mundorum*, quam diff. Philosophica An.
1715 publice proposuit, repetere pluribusque explicare, inde e-
tiam Thesium probabilium heptadem disquisitioni iterum pu-
blice subiecit. E quibus ingenuis omnibus pateret, quæ mens
authoris esset in Controversia hac tantum philosophica, atque
ita omnis in posterum cavillandi præcideretur ansa. Nunc
iterum in eo versatur, ut Auditores Amantissimos doceat:
Hermeneutices subsidio e scriptis monumentisque Auctorum,
sive

sive sacrorum, sive profanorum, veritates eruere latentes
sensumque genuinum cuius designare. Dissertationes cy-
clicas eidem doctrinæ accommodabit. In Mathematicis sci-
entiæ *Gnomonica*, *Staticam*, dehinc *Astronomiam* subjunget.

IN PRIMA CLASSE hor. Mathem. *Euthymetria* Theoriam
cum praxi absolvit, nunc *Epipedometriam* tradit, quam *Stereo-*
metria proxime excipiet. In Stylo *doctrinam Period.* per præ-
cepta & praxin solutæ ligatæque orationi formandæ commo-
dam, ratione structuræ exercuit, nunc, quæ *Ornatum Periodi* at-
tingunt, sedulo considerat, quibus ad finem perductis *Chrias*
Ordinatas & *Inversas* utroque sermonis generi aptare docebit.
Ex Poetis *Virgilium*, quæ consuevit methodo, continuabit.

SECUNDANIS *Fundamenta fidei & Religionis* ex præceptio-
nibus D. Conr. Dieterici sistit singulaque ad normam scriptu-
ræ examinans, curam inprimis intendit, ne in nuda intelli-
gentia rerum, subsistendum credant, sed vitam simul in fide
vera emendatâ agere, adolescentes discant, dicta quoq; Classica
ex textu Orig. græco ediscunt. Iisdem *Orationes Curtianas* ex-
ponendas, vertendas, imitandas, ediscendas & recitandas sub-
ministrat.

AUDITORIBUS tandem PRIVATIS ex *Selectis Cicero-*
nis Orat. quatuor explicavit, in quibus stili non minus, quam
latinitatis rationem habuit, cumque plurimi eas mandarint
memoriæ, alteram illarum circa ferias proximas Actu Publi-
co, reliquas in subsequentibus, si institutum justos invenerit
censores, repræsentabunt, ut sic utriusque eloquentiæ, inte-
rioris, quæ animi, & exterioris, quæ corporis dicitur, Patro-
nis, Parentibus vel Amicis exhibere specimina possint. *Re-*
sidualas in posterum solide explanabit, quæque hætenus imi-
tationum extemporalium repetitionumque adhibuit exerci-
tia, *dilatationis & amplificationis Rhetoricæ* exercitationibus
haud pridem commutavit. Ex *Epistolis ad Fam.* quæ reliquis

præ-

præstant & juventuti explicari possunt, selegit & libros X. pertractavit, ex quibus phrasēs præcipuas ac dictiones notari, nonnullas in vernaculam transferri, plurimas imitari curavit; aliquas etiam integras, per partes alias, pro qualitate rerum vel locutionum ediscendas, commendavit. Quæ restant methodo eadem pertractabit, nisi, quod cum iis, qui aliquem ex his prælect. in literis latinis processum habent, *liberiores* quam dicunt *imitationem* sit suscepturus. *Stili* insuper *ligati*, *Logica* & *Rhetorica*, quam scholis privatis decet, habebit curam. *Græca* præterea, etsi qui fuerint audituri, *Hebraicæ Lingvæ* operam pollicetur, nec in aliis eandem denegabit.

Faxit D. O. M. ut nullo externo hoste, nullis insidiis, nullis tumultibus appetitum Gymnasium hoc illustre libertatem, Religionem, salutem & sanctam rectam in hoc usque temporis incolamitatem conservet porro ac tueatur & ad seros olim nepotes ac posterorum memoriam transferat sempiternam.

JOANNES ARND, Prof. Publ. Ordinariis in *Suprema Classe* lectionibus, ea Juris capita, quæ Institutiones Justinianæ suggerunt, persequitur, & quidem potissimum ex principiis Juris Nat. quanquam in titulis, de *Nuptiis*, de *Successione ab intestato* & de *Contractibus*, eorum quoque, quæ Jus Civile speciatim Prutenicum exigit, rationem habeat, ex *Usu hodierno Comment. Hopp. ad Jusit.* Quas lectiones quotannis continuabit inque orbem circumaget. In *Disputationibus*, ex Veterum Instituto *circularibus*, præter alia, *Exercitationes Collegii Puffend.* continuat, quarum sequentes jam prodire: (I) *De Opere Puffend. J. N. & G.* (II) *De Geometrica Juris N. demonstratione.* (III) *De Actione Morali.* (IV) *De Existentia Juris N.* (V) *De Definitionibus Juris N.* Promissam de Auroris Borealibus Disputationem, in *Schediasma* commutavit, quod *Aurorarum Borealium anni 1716, 1717, 1718, observationes, confirmationes, explicationes, & significationes* distinctis capitibus sistit. Iis porro Lectionibus, quibus studiosorum animi ad pietatem probitatemque peculiariter instruuntur, & ad publicam, quæ singulis annis, ex more antiquo, a
Gymna

Gymnastii Civibus bis agitur, pœnitentiam commoventur, materiam certam; de fiducia in DEum, & Amore erga proximum, substravit, atque edidit, sub tit. *Lectioſum Sacrarum* quibus etiam poſthac inhærebit novisq; eas augebit annotatis, quæ ad officia utriusque tabulæ Moſaicæ exprimenda faciant. *Collegium Diſputatorium*, quod præceptis accurate & modeſte diſputandi jam communicatis inchoavit, poſt aliquam intercapedinem continuabit, per creberrima exercitia, quibus inſervient *Theſes de tempore, tam Theologica, quam Politica nec non Phyſica ac reliquarum Diſciplinarum.*

In PRIMA CLASSE, ad veritatem per omnes Diſciplinas inquirendam, atque intellectus operationes perficiendas, operam ſuam Auditoribus præſtat, in *Regulis Logicis*, quas breviffimis verbis in calamum tradit, atque ſermone prolixiore per exempla plurima explanat confirmatque. Quin omnem curam impendit, ut iuvenes habitum veritatem ubique ſectandi, perſpiciendi cumque aliis communicandi feliciter conſequantur, ſine quo hodie plurimus Eruditorum numerus in errores turpiſſime abripitur litesque fere infinitas. Nec non hiſce Lectioſibus mox junget uſum, ad ſyllogiſmos ex medio termino quocunque prompte & accurate formandos. Quum etiam præcepta pro argutis *elogiis ſc. inſcriptionibus* abſolvit, quibus ſimul figurarum ſelectiſſimarum compendium, quod orationibus exornandis inſervit, continetur; ruruſ ad *Panegyricum Plinii* animos diligentiorum revocavit, atque ex hoc, tam pulcherrima Politices capita demonſtrat, quam etiam puritatem ac elegantiam latini ſermonis.

In SECUNDA CLASSE, *Epistoſis Plinii* inhæret, vertendo, explicando, examinando, ac denique res ſententiaſque morales excerptendo.

Tu, DEVS clementiſſime, in hac bona mentis officina, Doctores diſcentesque ſerva, rege, defende, propter Nomen tuum.


JOH. FRID. BACHSTROHM, P. P. Extrorsum quod superiori anno factum Auditoribus primæ Classis binis per septimanam horis, ad recte capiendam eloquiorum divinorum Structuram & significationem in Evangelio Lucæ explanando occupatus est, ubi Styli græcigenium cum Translatione Grammatica & Analyfi pro virili exponere studet, hoc labore ad finem perducto ad Epistolarum Paulinarum explicationem eodem modo divini Numinis gratia transibit.

SECUNDANOS autem, præter rudimenta hujus lingvæ ad ductum Pericoparum Evangelii tradenda, styli & elegantie latini sermonis rationem docebit, ducente Cornelio Nepote auctore ætatis aureæ elegantissimo. Applicationem vero seu Exercitia ex Historia Monachiarum Franckii desumpta sedulo inculcabit: additis, quæ ex eodem Auctore notitiam Historiæ promovere possunt.

PRIVATIS Lektionibus in Collegio Physices fundamentali ad ductum Michaelis Bernhardi Valentini perget. Eodem tramite Collegium utriusque Architecturæ ad finem perducet, adhuc reali quodam Schemate seu exstrukione loci cujusdam muniti ad mensuram minutam Auditorum animos recreabit, diligentiamque eorum accendet. Nec non in Gallico & Polonico Sermone nonnullos exercitabit, imo aliis artibus Studia Auditorum cupidiorum promovere pollicetur. Lektionibus vero privatis in gratiam Secundanorum institutis præter explicationem & Applicationem Cesaris in repetenda Geometria theoretica & practica perget, eademque familiarissima facta, ad Trigonometriam Methodo summe facili tradendam progredietur. Præterea repetitione lectionum publicarum ex Cornelio Nepote ad Styli confirmationem summe necessariam, item Geographiæ cognitione utilissima, prout hætenus factum est, animos eorum imbuet.

Addat calculum summi Numinis gratia, ut iis, quæ hætenus impedimento fuerunt, sublati, quocunque modo promoveatur eius gloria & utilitas publica.

Continetis Classibus Superioribus quævis die Mercurii iuxta Professorum ordinem disputandi exercitium instituetur. Secundani autem ab hora II. ad III. in Arithmetices argumentis exercentur.



HALLE-AM-ALBIS

D 164